

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 17.07.2018թ. թիվ 1808306342 որոշումն անփոփոխ, իսկ վարչական բողոքն առանց բավարարման թողնելու մասին

<<27>> 07 2018թ. 14-13-85263-18/14-13-9522

ք.Երևան

«Ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Հայկ Մխիթարյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Գեղարքունիքի մարզի Սևան քաղաքի Մյասնիկյան փողոցի 70 տան բնակիչ Հայկ Մխիթարյանը դիմումով խնդրել է անվավեր ճանաչել հանդիպակաց երթևեկության գոտի դուրս գալու համար իրեն վարչական պատասխանատվության ենթարկելու մասին Ճանապարհային ոստիկանության 17.07.2018թ. թիվ 1808306342 որոշումը՝ նշելով, որ իրեն խոչընդոտել են և ստիպված՝ խուսափելով վթարից և վրաերթից, դուրս է եկել հանդիպակաց երթևեկության գոտի:

Դիմումի քննարկման արդյունքում պարզվել է, որ դիմումատուի փաստարկը վարչական ակտը բեկանելու հիմք չի կարող հանդիսանալ՝ հետևյալ պատճառաբանությամբ.

Ճանապարհային ոստիկանության 17.07.2018թ. թիվ 1808306342 որոշման հիմքում դրված իրավախախտումն ամրագրած տեսանյութը փաստում է, որ դիմումատուն հնարավորություն ուներ շրջանցելու կայանված տրանսպորտային միջոցին առանց հանդիպակաց երթևեկության գոտի դուրս գալու, հետևաբար պետք է կրի դրա համար նախատեսված ոչ բարենպաստ հետևանքները:

Ինչ վերաբերվում է դիմումի մեջ նշված այլ խոչընդոտներին, ապա «Կառավարության «Ճանապարհային երթևեկության կանոնները և տրանսպորտային միջոցների շահագործման արգելող անսարքությունների ու պայմանների ցանկը սահմանելու մասին» թիվ 955-Ն որոշման 67-րդ կետի համաձայն՝ երթևեկության համար խոչընդոտ կամ վտանգ առաջանալու դեպքում, որը վարորդին ի վիճակի էր հայտնաբերել, նա պետք է միջոցներ ձեռնարկի արագությունն իջեցնելու՝ ընդհուպ մինչև տրանսպորտային միջոցը կանգնեցնելը:

Ելնելով վերոգրյալից և ղեկավարվելով Վարչական իրավախախտումների վերաբերյալ «Օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 17.07.2018թ. թիվ 1808306342 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել «Վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Հայկ Մխիթարյանին:

Կատարող՝ Ա.Միրզոյան



Ե.Կարապետյան